

Na osnovu člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine, ministar Ministarstva za rad, socijalnu politiku i izbjeglice Zeničko-dobojskog kantona raspisuje

JAVNI POZIV

za odabir projekata posvećenih obilježavanju značajnih datuma iz oblasti socijalne zaštite, zaštite civilnih žrtava rata i zaštite porodice sa djecom, koji će se sufinansirati iz sredstava Budžeta Zeničko-dobojskog kantona predviđenih za 2023. godinu

I. Predmet javnog poziva

Predmet javnog poziva je odabir projekata za dodjelu budžetskih sredstava namijenjenih obilježavanju značajnih datuma iz oblasti socijalne zaštite, zaštite civilnih žrtava rata i zaštite porodice sa djecom, koji će se sufinansirati iz sredstava Budžeta Zeničko-dobojskog kantona predviđenih za 2023. godinu.

II. Pravo učešća

Pravo na učešće i dodjelu sredstava imaju nevladine organizacije i javne ustanove socijalne zaštite sa područja Zeničko-dobojskog kantona, čija se osnovna djelatnost odnosi na oblast socijalne zaštite, zaštite civilnih žrtava rata i zaštite porodica sa djecom.

Sredstva iz Budžeta Zeničko-dobojskog kantona predviđena za 2023. godinu nevladine organizacije mogu koristiti samo po osnovu jednog javnog poziva u 2023. godini.

III. Namjena

Budžetska sredstva su namijenjena za sufinansiranje projekata posvećenih obilježavanju značajnih datuma iz oblasti socijalne zaštite, zaštite civilnih žrtava rata i zaštite porodice sa djecom koji će se realizirati na području Zeničko-dobojskog kantona, a odnose se na sljedeće značajne datume:

- obilježavanje dana javne ustanove socijalne zaštite;
- međunarodni dani osoba sa invaliditetom uključujući i obilježavanje dana slijepih i slabovidnih lica, gluhih i nagluhih, lica sa poremećajem u govoru i glasu, sa tjelesnim oštećenjima i trajnim smetnjama u fizičkom razvoju, sa smetnjama u psihičkom razvoju, sa kombiniranim smetnjama i lica sa autizmom.
- dan civilnih žrtava rata;
- međunarodni dan starijih osoba;
- međunarodni dan djeteta;
- svjetski dan borbe protiv siromaštva;
- svjetski dan borbe protiv nasilja nad djecom.

Sredstva za sufinansiranje projekata koja se dodjeljuju nevladinim organizacijama i javnim ustanovama mogu se odobriti u maksimalnom iznosu **do 3.000,00 KM**.

Krajnji rok za realizaciju projekata je 31.12.2023. godine.

IV. Kriteriji za ocjenu projekata

Kriteriji za odabir projekata koji će se sufinansirati po osnovu Javnog poziva za 2023. godinu su:

- doprinos projekta promociji i obilježavanja značajnog datuma u oblasti socijalne zaštite, zaštite civilnih žrtava rata i zaštite porodica sa djecom u skladu sa tačkom III. ovog poziva;
- da je oblast socijalne zaštite, zaštite civilnih žrtava rata i zaštite porodica sa djecom obuhvaćena ciljevima i djelatnostima nevladine organizacije ili javne ustanove socijalne zaštite;
- obavezno učešće iz ličnih sredstva, donacija ili drugih izvora u realizaciji projekta;
- inovativnost projekta u realizaciji obilježavanja značajnih datuma u oblasti socijalne zaštite, zaštite civilnih žrtava rata i zaštite porodica sa djecom;
- podnesen izvještaj o realizaciji projekta finansiranog od strane Ministarstva za rad, socijalnu politiku i izbjeglice u 2022. godini (odnosi se na udruženja koja su u predhodnoj godini koristila sredstva po javnom pozivu, što će se utvrditi na osnovu službene evidencije Ministarstva);
- kvalitet predloženog projekta.

V. Potrebna dokumentacija

Za prijavu na javni poziv potrebno je dostaviti sljedeću dokumentaciju:

1. Popunjen, potpisan i ovjeren prijavni obrazac (**obavezno popunjen elektronski**);
2. Rješenje o registraciji i Rješenje o eventualnim izmjenama podataka;
3. Izvod/izvadak iz Registra udruženja Ministarstva za pravosuđe i upravu Zeničko-dobojskog kantona (ne stariji od 3 mjeseca);
4. Uvjerjenje o poreznoj registraciji (ID broj);
5. Bilans stanja i bilans uspjeha za prethodnu godinu;
6. Uvjerjenje o izmirenim poreskim obavezama izdato od strane nadležne poreske uprave, (ne starije od 3 mjeseca);
7. Potvrda o bankovnom računu i potvrda o solventnosti;
8. Dokaz o visini finansijskog učešća u realizaciji projekta iz vlastitih sredstava ili drugih izvora finansiranja (izjava – ako se finansira iz vlastitih sredstava, odnosno potvrda, sporazum ili drugi dokaz - ako u finansiranju projekta učestvuju i druga lica);
9. Potvrda ili drugi dokaz da će projekat biti medijski popraćen;
10. Reference nevladine organizacije o realizovanim projektima iz oblasti koja je predmet javnog poziva (Odluka o odobravanju sredstava, novinski članci, priznanja, zahvalnice i slično).

Svi priloženi dokumenti moraju biti u originalu ili ovjerenoj kopiji koje nisu stariji od 6 mjeseci.

VI. Završne odredbe

Prijavni obrazac za učešće na Javnom pozivu za odabir projekata, može se preuzeti na službenoj stranici Vlade Zeničko-dobojskog kantona (www.zdk.ba).

Javni poziv ostaje otvoren 15 dana od dana objavljivanja, na službenoj stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac za učešće na Javnom pozivu sa pratećom dokumentacijom obavezno dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica

sa obaveznom naznakom „**NE OTVARATI – po Javnom pozivu za odabir projekata posvećenih obilježavanju značajnih datuma iz oblasti socijalne zaštite, zaštite civilnih žrtava rata i zaštite porodice sa djecom, koji će se sufinansirati iz sredstava Budžeta Zeničko-dobojskog kantona predviđenih za 2023. godinu**“, sa naznačenim **nazivom podnosioca prijave.**

Ocjenjivanje, izbor i rangiranje projekata vrši Komisija koju imenuje Ministar, u skladu sa Pravilnikom za odabir projekata posvećenih obilježavanju značajnih datuma iz oblasti socijalne zaštite, zaštite civilnih žrtava rata i zaštite porodice sa djecom, koji će se sufinansirati iz sredstava Budžeta Zeničko-dobojskog kantona predviđenih za 2023. godinu.

Nepotpune i neblagovremene prijave neće biti uzete u razmatranje. Također, neće biti uzete u razmatranje ni prijave nevladinih organizaciji i ustanova socijalne zaštite koje nisu dostavile izvještaj o realizaciji projekta finansiranog od strane Ministarstva za rad, socijalnu politiku i izbjeglice u 2022. godini.

Ministarstvo nema obavezu vraćanja dostavljene dokumentacije.